

UNIVERZITET U TUZLI
Broj: 01-59-JN-10/25 LOT 2
Tuzla, 20.05.2025. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-59-JN-9/25 LOT 2 od 19.05.2025. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, Direktor za ekonomske poslove, d o n o s i

O D L U K U **O IZBORU NAJPOVOLJNIJEG PONUĐAČA**

I

U otvorenom postupku za javnu nabavku printera - LOT 2 Univerziteta u Tuzli, izabran je ponuđač "MIT-ALEX" d.o.o. Tuzla, sa ponuđenom cijenom od 1.940,00 KM bez uračunatog PDV-a, odnosno 2.269,80 KM sa uračunatim PDV-om, te se istom dodjeljuje ugovor o nabavci roba.

II

Ponuda ponuđača iz tačke I ove Odluke odabrana je iz razloga što kao prihvatljiva u svemu zadovoljava uslove propisane tenderskom dokumentacijom i zato što je nakon održane E-aukcije imala najnižu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti originale ili ovjerene kopije dokaza iz člana 45. stav (2) tačka a) do d) Zakona o javnim nabavkama BiH koji su precizno definisani u tački 3.1.4. tenderske dokumentacije.

U slučaju da izabrani ponuđač propusti dostaviti dokaze iz prethodnog stava prema odredbi člana 72. stav (3) tačka a.) Zakona o javnim nabavkama, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača.

IV

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

V

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

O b r a z l o ž e n j e

Univerzitet u Tuzli pokrenuo je postupak javne nabavke računarske i elektroničke opreme za LOT 2 - printeri putem otvorenog postupka javne nabavke broj: 01-59-JN-2/25 LOT 1 - LOT 2 od 13.03.2025. godine objavljenom na Portalu javnih nabavki "E-nabavke" broj: 795-1-1-64-3-65/25 od 04.04.2025. godine, "Službenom glasniku BiH" broj: 21/25 od 11.04.2025. godine i WEB stranici Univerziteta.

U ostavljenom roku ponudu su dostavila tri ponuđača: "MIT-ALEX" d.o.o. Tuzla, "KONICA MINOLTA POSLOVNA RJEŠENJA BH" d.o.o. Sarajevo i "IMTEC" d.o.o. Sarajevo.

Pregledom zaprimljenih ponuda utvrđeno je da ponuda ponuđača "KONICA MINOLTA POSLOVNA RJEŠENJA BH" d.o.o. Sarajevo sadrži sljedeće nepravilnosti:

- za stavku A1 (brzina procesora) ponuđena oprema ne zadovoljava tražene minimalne karakteristike, tj. za stavku A1 (brzina procesora) ponuđač u Obrascu za cijenu ponude ponudio uređaj (KONICA MINOLTA bizhub 4020i) čija je brzina procesora 800 MHz, dok je u Obrascu za cijenu ponude traženo kroz minimalne karakteristike da uređaj za stavku A1 (brzina procesora) treba imati brzinu procesora najmanje 1200 MHz. Dakle ponuđač je ponudio uređaj (Multifunkcionalni laserski printer) koji ne posjeduje tražene minimalne karakteristike odnosno ponuđeni uređaj nema brzinu procesora od najmanje 1200 MHz.

- nadalje za stavku A1 (brzina procesora) ponuđač je propustio da u skladu sa zahtjevom iz tačke 3.5.1.d Tenderske dokumentacije u katalogu proizvođača ponuđene opreme (KONICA MINOLTA bizhub 4020i) da potvrdi karakteristike ponuđene stavke iz Obrasca za cijenu ponude tj. u priloženom Katalogu proizvoda nije navedena brzina procesora.

- za stavku A2 (RAM memorija) ponuđena oprema ne zadovoljava tražene minimalne karakteristike, tj. za stavku A2 (RAM memorija) ponuđač u Obrascu za cijenu ponude kao i u priloženom Katalogu proizvoda ponudio uređaj (KONICA MINOLTA bizhub 4020i) koji ima 256 MB RAM memorije, dok je u Obrascu za cijenu ponude traženo kroz minimalne karakteristike da uređaj za stavku A2 (RAM memorija) treba imati najmanje 1 GB RAM memorije. Dakle ponuđač je ponudio uređaj (Multifunkcionalni laserski printer) koji ne posjeduje tražene minimalne karakteristike odnosno ponuđeni uređaj nema najmanje 1 GB RAM memorije.

- za stavku A7 (vrijeme do prve štampe) ponuđena oprema ne zadovoljava tražene minimalne karakteristike, tj. za stavku A7 (vrijeme do prve štampe) ponuđač u Obrascu za cijenu ponude kao i u priloženom Katalogu proizvoda ponudio uređaj (KONICA MINOLTA bizhub 4020i) čije vrijeme do prve štampe 9.2 sekunde, dok je u Obrascu za cijenu ponude traženo kroz minimalne karakteristike da uređaj za stavku A7 (vrijeme do prve štampe) treba imati 5.5. sekundi ili manje. Dakle ponuđač je ponudio uređaj (Multifunkcionalni laserski printer) koji ne posjeduje tražene minimalne karakteristike odnosno ponuđeni uređaj treba više vremena za prvu štampu od 5.5 sekundi.

- za stavku A11 (brzina skeniranja crno-bijelo) traženo je Dvostrano: minimalno 70 slika u minuti, ali je ponuđač propustio u Obrascu za cijenu ponude da navede šta nudi.

Čime ponuđač nije potvrdio da ponuđeni proizvod (Multifunkcionalni laserski printer) ispunjavaju zahtjeve Tenderske dokumentacije.

Shodno svemu navedenom ponuda ponuđača "KONICA MINOLTA POSLOVNA RJEŠENJA BH" d.o.o. Sarajevo je ocjenjena kao nepravilna jer nije u skladu sa tenderskom dokumentacijom ugovornog organa, te kao takva nije išla u dalju proceduru.

Daljom analizom ponuda utvrđeno je da su ponuđači "MIT-ALEX" d.o.o. Tuzla i "IMTEC" d.o.o. Sarajevo dostavili sve kvalifikacione dokaze zahtijevane tenderskom dokumentacijom i opremu u skladu sa traženim minimalnim karakteristikama, te je u skladu sa članom 6. Pravilnika o uslovima i načinu korištenja e-aukcije ("Službeni glasnik BiH broj 80/23) zakazana e-aukcija.

Nakon uspješno okončane e-aukcije i u skladu sa Izvještajem o toku i završetku e-aukcije od 19.05.2025. godine sačinjena je slijedeća rang lista ponuda po povoljnosti:

1. "MIT-ALEX" d.o.o. Tuzla - 1.940,00 KM bez PDV-a,
2. "IMTEC" d.o.o. Sarajevo - 1.960,00 KM bez PDV-a.


Budući da ponuda ponuđača "MIT-ALEX" d.o.o. Tuzla u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije, ima najnižu ponuđenu cijenu Komisija je dala preporuku da se istom dodijeli ugovor o nabavci roba.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektorice Univerziteta u Tuzli, Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana računajući od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-59-JN-9/25 LOT 2 od 19.05.2025. godine

DOSTAVITI:
1x učesnicima
1x a/a



DIREKTOR ZA
EKONOMSKE POSLOVE

Alden C.